

f

R 26
22

徐纂醫宗金鑑卷十六

編輯外科心法要訣目錄

嬰兒部

赤遊丹毒

紅絲瘤

痘癰

胎驚丹毒

嬰兒瘡瘍

胎風

臍突

胎瘤

胎癩瘡

葡萄疔

滯熱丹

垂癰

臍瘡

陰腫

脫肛

肛門作癢

遺毒

痘裏夾瘦

痘疔

痘裏發丹

痘爛

痘風瘡

逐日人神所在不宜鍼灸歌

十二時人神歌

十二支日人神所在歌

十干日不宜用鍼犯之病多反覆

九宮尻神圖

九宮尻神歌

升打靈藥固罐法

升打靈藥封罐口法

煉金頂砒法

製寒食麵法

御纂醫宗金鑑卷七十六

編輯外科心法要訣

嬰兒部

赤遊丹毒

胎毒初患赤遊丹腹肢先後內外參內服外貼兼砭血紅輕紫重黑難痊

註

小兒赤遊丹之證皆由胎毒所致欲發之時先身熱詔叫驚搐不寧次生紅暈山內漸入其色如丹遊走無定起於背腹流散四肢者順起於四肢流入胸腹者逆或初生之後外用熱水洗浴兼以火烘衣物觸動內毒遂成此證治

之者先宜砭出惡血看血色紅者輕紫者重黑者死次宜
半羊肉片徧貼紅膏處微乾再易俟肉片不乾換如意金
黃散用藍靛青汁調敷內初服大連翹飲次服消毒犀角
飲大便秘結加生大黃三五分若煩躁唇焦面赤者宜服
五福化毒丹若失治毒氣入復腹脹堅硬聲音雌啞吮乳
不下嘔者宜服紫雪散下之一二日間身輕腹軟熱退身
涼砭處肉活乳喃如常者生反此者不治

大連翹飲

連翹去心

當歸

赤芍

防風

木通

滑石水飛

牛蒡子 炒研

蟬蛻 去足翅

瞿麥

石膏 煨

荊芥

甘草 生

柴胡

黃芩

梔子 生研

車前子 各五分

水二鍾燈心二十根煎八分子與乳母同服

方歌 大連翹飲赤遊丹歸芍防通滑勞蟬瞿麥石膏荊芥草柴

芩梔子共車前

消毒犀角飲

犀角 鎊

防風 各一錢

甘草 生五分

黃連 三分 生

水二鍾燈心二十根煎四分徐徐服之

方歌消毒犀角飲黃連防風甘草共和煎赤遊丹毒喘驚搐氣

粗身熱服之安

五福化毒丹

黑參

赤茯苓

桔梗 各二兩

牙消

青黛

黃連

龍膽草 各一兩

甘草 五錢

人參

硃砂 各三錢

冰片 五分

共研細末煉蜜爲丸如芡實大金釧爲衣每服一九薄荷

燈心煎湯化服

方五福化毒消熱速瘡癰丹毒服卽除參苓桔草消水黛黃

連膽草黑參硃

如意金黃散

見腫瘍門

紫雪散

見舌部重舌

胎瘤

嬰兒初產患胎瘤胎熱瘀血是根由色紫漸大熱透刺放出膿汁自可瘳

註

此證由胎前孕母積熱以致胞熱更兼血瘀滯結而成多生頭上及胸乳間初如李核漸大如餛飩色紫微硬漫腫不

甚疼痛嬰兒初生卽有者候過滿月熟透方可鍼之放出
赤豆汁或膿水汁其腫卽消初服五福化毒丹兼貼黃連
膏潰貼生肌玉紅膏生肌斂口若滿月後生者必待膿鼓
熟透鍼之若瘤皮含血絲者詳註於紅絲瘤

五福化毒丹

見赤遊丹毒

黃連膏

見鼻部鼻瘡

生肌玉紅膏

見消瘍門

紅絲瘤

嬰兒初生紅絲瘤皮含血絲先天由精中紅絲腎伏火相傳患此終難瘳

註 此證一名胎瘤發無定處由小漸大嬰兒落草或一二歲之間患之瘤皮色紅中含血絲亦有白破者治法雖同胎瘤但此患由先天腎中伏火精有血絲以氣相傳生子故有此疾終變火證潰處亦難收斂

胎癩瘡

癩瘡始發頭眉間胎中血熱受風纏乾癢白屑濕淫水熱極紅
暈類火丹

證

此證生嬰兒頭頂或生眉端又名奶癬癢起白屑形如癬
疥由胎中血熱落草受風纏綿此係乾癩有誤用燙洗皮
膚起粟搔癢無度黃水浸淫延及徧身卽成濕癩俱服消
風導赤湯乾者抹潤肌膏濕者用嫩黃蘗頭末與滑石等
分撒之膿痂過厚再以潤肌膏潤之又有熱極皮膚火熱
紅暈成片遊走狀如火丹治法不宜收斂只宜外發宜服
五福化毒丹亦以潤肌膏抹之癢甚者俱用烏雲膏搽之

乳母俱忌

河海魚腥雞鷺辛辣動風發物緩緩自效

消風導赤湯

生地

赤茯苓 各一錢

牛蒡 炒研

白鮮皮

金銀花

南薄荷葉

木通 各八分

黃連 酒炒

甘草 各三分

燈心五十寸水煎徐徐服

方歌消風導赤醫胎 痲疎風清熱勞黃連白鮮生地赤苓薄銀

花燈草木通甘

烏雲膏

松香末 二兩

硫黃末 一兩

編輯科心法要訣

研勻香油拌如糊攤南青布上少半指厚捲成條線蒸之
再用香油定一日取出刮去餘油以火點着一頭下用粗
碗接之布灰陸續剪去取所滴藥油浸冷水內一宿出火
毒抹用

方歌烏雲膏擦胎癩瘡油拌松香末硫黃布攤捲紫香油泡火

燃去灰用油良

潤肌膏

見頭部
白屑風

五福化毒丹

見赤遊
丹毒

痘癰

痘癰毒留經絡中發無定處腫不紅留於肌肉爲治易結於骨節難成功

註

此證因出大痘漿灌不足以致毒漿不得透發留結經絡之中隨處可生小如李者爲毒大如桃者爲癰漫腫不紅亦無炊痛身熱多煩若生單個者毒在肌肉屬順易治連發數處者船小載重屬險若結於骨節之間或成對發出者其毒已盛潰破之後滲泄氣血不能斂口屬逆初發不可強消俱宜服透膿散外敷烏龍膏膿熟鍼之加味太乙膏貼之若氣血虛弱者兼服保元湯潰後潮熱全退毒氣

方淨否則他處又發忌生冷硬麵發物

保元湯

人參

白木土炒

當歸

黃耆各一錢

甘草三分

生薑一片紅棗肉二枚水二鍾煎八分食遠服

方歌保元湯補真元氣脾胃虛弱服更宜人參白木炙甘草當

歸薑棗共黃耆

透膿散

烏龍膏

俱見腫瘍門

加味太乙膏

見潰瘍門

葡萄疫

葡萄疫同葡萄狀感受癘疫鬱凝生徧身發點青紫色毒攻牙齒類疔形

註

此證多因嬰兒感受癘疫之氣鬱於皮膚凝結而成大小青紫斑點色狀如葡萄發於徧身惟腿脛居多甚則邪毒攻胃以致牙齦腐爛臭味出血形類牙疔而青紫斑點其色反淡久則令人虛羸初起宜服羚羊角散久虛者宜服胃脾湯米泔水漱口以非疔散日擦四五次斷效近見中年之人下虛者亦患此證治法同前

羚羊角散

羚羊角 鎊

麥冬 去心

黃芩

知母

牛蒡子 炒研

防風

元參 各八分

甘草 二分 生

水二鍾淡竹葉十片煎六分食遠服

方歌 羚羊角散 麥冬 芩 知 蒡 防風 草 元參 葡萄 疫發初宜服煎

加竹葉效如神

胃脾湯

白朮 土炒

遠志 去心

麥冬 去心

沙參

茯神

陳皮 各六分

五味子

甘草 各五分 炙